

Mien - Ging-Sou - Protection Scriptures

Ye^le^mi 1:18 Mangc maah! Yie ih hnoi bun meih hnangv norm wuonv haic nyei zingh, hnangv norm hlieqv-ndiouh, hnangv dongh siqv laatc, weic ngaengc jienv wuov norm deic-bung nzengc, se Yu^ndaa nyei hungh caux zoux hlo nyei mienh, sai mienh, liemh deic-bung nyei baeqc fingx.

E^sa^ken 3:18 Se gorngv yie mbuox orqv mienh, 'Meih ndongc haaix zungv oix zuqc daic,' meih yaac maiv donv ninh yaac maiv kuinx ninh guangc nqoi ninh zoux orqv nyei jauv weic njoux ninh nyei maengc nor, wuov dahu orqv mienh zungv oix zuqc laaix ninh nyei zuiz daic, mv baac weic ninh zuqc daic yie bun meih ndaam-dorng.

Ye^le^mi 6:27 Yie bun meih yiem yie nyei baeqc fingx mbu'ndongx seix yaac kauv ninh mbuo weic bun meih hiuv yaac seix duqv cuotv ninh mbuo nyei jauv-louc.

Lewi 26:19 Yie oix mietc nzengc meih mbuo hnyouv ngaengc, zoux maux nyei qaqv. Yie oix bun lungh haanz, bun ndau mbang ngaengc nyei.

Nzamc Leiz-Latc 23:5 Mv baac Ziouv, meih mbuo nyei Tin-Hungh, mai muangx Mbaa^laa^am nyei waac. Daaux nzuonx ninh bun wuov deix zioux nyei waac tiuv benx buang nyei waac, weic zuqc Ziouv, meih mbuo nyei Tin-Hungh, hnamv meih mbuo.

Lomaa 12:21 Maiv dungx bun orqv nyei hingh meih. Daaux nzuonx oix zuqc bun longx nyei hingh orqv nyei.

Singx Nzung 143:8,10 Tov bun yie lungh ndorm nziouv duqv haiz meih ziepc zuoqv hnamv yie weic zuqc yie kaux meih. Tov meih bun yie hiuv duqv horpc yangh nyei jauv, weic zuqc yie daux gaux nyei waac faaux taux meih. 10 Tov meih njaaux yie ei meih nyei eix, weic zuqc meih se yie nyei Tin-Hungh. Tov bun meih longx haic nyei Singx Lingh dorh yie yangh baengh nyei jauv.

Singx Nzung 94:12 O Ziouv aac, meih mborqv njaaux nyei mienh maaih orn-lorqc, se meih longc meih nyei leiz-latc njaaux nyei mienh.

Cong-Mengh Waac 27:12 Mienh guai mienh buatc haih maaih sic cuotv ziouc simv nqoi, mv baac maiv hiuv haaix nyungc nyei mienh hungx jienv mingh ziouc zuqc kouv aqv.

Fi^lipv^poi 2:16 zunh ziangh maengc nyei doz bun ninh mbuo. Meih mbuo hnangv naaiv nor zoux, taux Yesu Giduc aengx daaih wuov hnoi yie ziouc a'hneiv haic weic zuqc hiuv duqv yie cuotv qaqv zoux nyei gong maiv ndortv buonv aqv.

I¹saa²yaa 49:4 Mv baac yie gorngv, "Yie laauh luic yaac zoux mai v cuotv haaix nyungc. Yie baeqc baeqc ndortv qaqv yaac maiv lamh longc. Mv baac yie horpc zuqc duqv nyei buonc yiem Ziouv wuov. Yie nyei zingh nyeic yaac caux yie nyei Tin-Hungh yiem."

Singx Nzung 76:3 Yiem wuov ninh wuotv nauv maaih douz nyei forng-cang, torngv-baaih, nzuqc ndaauv caux yietc zungv mborqv jaax nyei wuoqc ginc. Selaa

Hipv¹lu 13:20/21 Tov ceix baengh orn nyei Tin-Hungh, dongh mbuo nyei Ziouv Yesu daic mingh bun ninh nangh daaih wuov dauh, bun meih mbuo duqv nyungc-nyungc longx weic ei jienv ninh nyei eix zoux. Yaac tov Tin-Hungh longc Yesu Giduc yiem mbuo gu'nyuoz bun mbuo zoux nyungc-nyungc horpc ninh nyei hnyouv. Yesu Giduc longc ninh nyei nziaamv liepc jiez yietc liuz yiem nyei ngaengc waac yaac zoux Goux Ba'gi Yungh nyei Domh Ziouv. Mbao oix zuqc yietc liuz ceng ninh taux maanc gouv maanc doic. Aamen.

1 Ko¹lin²to 16:15 Meih mbuo hiuv duqv Saa¹te²faa³natv mbuo yietc biauv mienh yiem Aa¹kaa²yaa Saengv sienx Yesu ndaangc. Ninh mbuo gengh jorm hnyouv fu-sux Tin-Hungh nyei mienh.

Fi¹lipv²poi 1:27 Gauh longc jienv jiex, meih mbuo yiem seix zaangc oix zuqc zoux nyungc-nyungc puix duqv Giduc nyei kuv fienx. Hnangv naaiv, maiv gunv yie duqv mingh meih mbuo naaic fai maiv duqv mingh, yie duqv haiz mienh gorngv meih mbuo sienx wuonv nyei, horpc fim dongh eix, dongh diuc hnyouv nzaeng jienv mbuo sienx nyei kuv fienx, maiv bun ndortv.

1 Ko¹lin²to 15:58 Yie hnamv nyei gorx-youz aac, weic naaiv meih mbuo oix zuqc sienx wuonv, maiv dungx tuix. Oix zuqc zanc-zanc cuotv qaqv zoux Ziouv nyei gong, weic zuqc meih mbuo hiuv duqv meih mbuo weic Ziouv zoux gong, maiv maaih yietc nyungc maiv lamh longc.

Ko¹lo²si 4:12 E¹baa²faa zoux meih mbuo ganh nyei mienh yaac zoux Giduc Yesu nyei bou. Ninh yaac jangx taux meih mbuo. E¹baa²faa zanc-zanc weic meih mbuo njiec qaqv daux gaux tov Tin-Hungh bun meih mbuo sienx duqv wuonv, ei sienx nyei jauv benx domh mienh, haih gan nzengc Tin-Hungh dunh yunh nyei za'eix.

2 Hungh Douh 19:34 'Weic yie ganh yaac weic yie nyei bou, Ndaawitv, yie oix beu jienv naaiv norm zingh, yaac oix njoux naaiv norm zingh.'

Ye¹le²mi 15:20,21 Yie ziouc bun meih weic naaiv deix baeqc fingx benx wuonv nyei dongh siqv laatc. Ninh mbuo oix caux meih mborqv jaax mv baac mborqv maiv hingh meih, weic zuqc yie caux meih yiem, oix njoux meih, tengx meih biaux ndutv." Naaiv se Ziouv nyei waac. 21 "Yie oix njoux meih biaux ndutv orqv mienh nyei buoz-ndiev, yaac zuoqc meih cuotv

mienh doqc mienh nyei buoz."

Singx Nzung 55:18 Ninh njoux yie nyei maengc leih ndutv caux yie mborqv jaax nyei mienh, bun yie duqv baengh orn, weic zuqc caux yie mborqv jaax wuov deix camv haic.

E^sa^ken 30:24 Yie oix bun Mbaa^mbi^lon nyei hungh nyei buoz henv yaac zorqv yie nyei nzuqc ndaauv bun ninh nyei buoz nanv jienv. Mv baac yie oix bun Faalo nyei buoz nauv. Ninh ziouc dorng jienv Mbaa^mbi^lon hungh njunh hnangv zuqc siang, haih daic nyei mienh.

Laauc Yaangh 3:18 Yie kuinx meih maaiz yie longc louh douz sinx daaih nyei zien jiem weic bun meih butv zoih. Yaac maaiz lui-houx-baeqc zuqv jienv bun meih maiv nyaiy, maiv zuqc laengh gaengv nyei yiem. Yaac oix zuqc tengx yie maaiz ndie nzaatv meih nyei m'zing weic bun meih haih mangc duqv buatc.

1 Yo^han 3:17 Haaix dauh kuh yiem kuh nyanc, yaac buatc ninh nyei gorx-youz ndortv naanc, ninh yaac mangc duqv jiex mueic maiv tengx, wuov dauh hnangv haaix nor haih gorngv ninh hnamv Tin-Hungh?

I^saa^yaa 50:4 Ziouv Tin-Hungh njaux yie oix zuqc gorngv haaix nyungc horpc nyei waac weic longc waac tengx baav jienv kouv nyei mienh. Ziouv ndorm-ndorm heuc yie nyie daaih, weic bun yie nyei m'normh muangx ninh oix njaux yie nyei waac.

Singx Nzung 18:39 Weic zuqc meih bun yie maaih qaqv mborqv jaax, meih bun daaih mborqv yie wuov deix zuqc yiem yie nyei buoz-ndiev.

2 Saa^mu^en 22:40 Weic zuqc meih bun yie maaih qaqv mborqv jaax, daaih mborqv yie wuov deix, meih bun zuqc yiem yie nyei buoz-ndiev.

Singx Nzung 89:43 Meih zungv bun ninh nyei nzuqc ndaauv nyei nza'hmien mbienv mi'aqv, yaac bun ninh yiem mborqv jaax ciangv zuqc suei.

E^sa^ken 13:6 Ninh mbuo buatc hinc yaangh nyei sic jaav nyei. Ninh mbuo mbouv guaax benx gorngv-baeqc nyei waac hnangv. Ninh mbuo gorngv, 'Se Ziouv gorngv,' mv baac maiv zeiz Ziouv paaiv ninh mbuo. Maiv gunv hnangv naaic, ninh mbuo corc funx ninh oix ei ninh mbuo gorngv nyei waac zoux ziangx.

Lewi 26:37 Laanh oix ndiqv zuqc laanh ndorpc hnangv biaux nzuqc ndaauv nor, maiv gunv maiv maaih haaix dauh zunc. Ninh mbuo zungv maiv maaih qaqv caux meih mbuo nyei win-wangv mborqv jaax.

1 Ko^lin^to 14:8 Se gorngv biomv nzatc, qieq yaac maiv mengh, baeng hnangv haaix nor haih hiuv duqv liuc leiz mingh mborqv jaax?

Yopv 15:24 Ninh oix zuqc zeqc naanc kuonx kouv bun ninh gamh nziex, yaac hingh jiex ninh hnangv hungh diex liuc leiz mborqv jaax nor.

1 Zunh Doic Douh 12:8 Maaih deix Gaatc Mienh biaux mingh Ndaawitv yiem

wuov norm wuonv nyei dorngx, deic-bung-huaang wuov. Ninh mbuo se haih mborqv jaax henv nyei baeng, haih longc torngv-baaih caux cang liouc nyei. Ninh mbuo nyei hmien hnangv sienh nyei hmien, yaac haih tiux siepv hnangv yiem mbong nyei njaih nor.

1 Zunh Doic Douh 12:33,38 Se^mbu^lun Mienh maaih biaa waanc dauh hoqc liuz yaac liuc leiz ziangx cuotv mingh mborqv jaax. Ninh mbuo maaih nzoih nyungc-nyungc mborqv jaax nyei wuoqc ginc. Ninh mbuo maaih nduqc diuc hnyouv tengx Ndaawitv. 38 Naaiv deix yietc zungv baeng liuc leiz ziangx mborqv jaax. Ninh mbuo daaih taux He^mbo^lon buangv hnyouv oix liepc Ndaawitv zoux hungh, gunv nzengc I^saa^laa^en Deic-Bung. Zengc njiec nyei I^saa^laa^en Mienh yietc zungv fih hnangv nyei yaac dongh hnyouv oix liepc Ndaawitv zoux hungh.

Lugaa 10:19 Muangx maah! Yie bun meih mbuo maaih hatc maaz caaiv duqv naang, caaiv duqv ziepc nyeic ndaangh, yaac hingh jiesc wuov dauh win-wangv nyei yietc zungv qaqv, yaac maiv maaih haaix nyungc hoic meih mbuo.

2 Ko^lin^to 7:10 Weic zuqc mienh ei Tin-Hungh nyei eix nzauh, naaiv nyungc nzauh haih bun mienh goiv hnyouv, ziouc duqv njoux. Hnangv naaic mienh ziouc maiv hnamv-nzuonx. Mv baac ei baamh mienh nyei za'eix nzauh nor, kungx bun mienh zuqc daic hnangv.

2 Ti^mo^tai 2:25,26 Oix zuqc longc suonc hnyouv kuinx caux ninh doix-dek wuov deix mienh. Nziex Tin-Hungh oix bun ninh mbuo maaih qangx goiv hnyouv, hiuv duqv zien leiz mv bei. 26 Hnangv naaic ninh mbuo haih nzang daaih ziouc biaux ndutv mienv nyei hungh nyei koux, dongh hlopv ninh mbuo, aapv ninh mbuo ei ninh nyei za'eix zoux.

Ne^haa^mi 4:15 Yie mbuo nyei win-wangv haiz gorngv yie mbuo hiuv duqv ninh mbuo nyei za'eix. Ninh mbuo yaac hiuv duqv Tin-Hungh zoux bun ninh mbuo nyei za'eix waaic mi'aqv. Yie mbuo ziouc nzuonx taux zingh laatc, gorqv-mienh zoux gorqv-mienh nyei gong.

Singx Nzung 73:24 Meih tengx yie caangh laangh weic dorch yie nyei jauv. Nqa'haav meih oix zipv yie, bun yie duqv njang-laangc.

Pastor T. John Franklin
Church of Salvation, Healing, and Deliverance
COS-HAD.org